

陶文毅公全集

雲竹先生五十八歲小像



韓范經綸寔罕同
輟職畧傾福
斷憂微恨
繼披昂豈良
圖踐陞贊議
醇姚肅謀遠
蕩節越齊鎖
闥雋典出
望蒼生

詔來月
懷澤淑
已恆仁
揚滿所
不建
晚山
競逐
吳楚
深潛
流
遠
通
潛
轉
孔
翠
不
少
泮
青
名
顯
岷
唐
周
澤
專
清
結
蘭
台
曜
中
輝
蓋
懷
志
展
體
重
而
威
安
和
召
壽
正
貴
省
相
美
祿
綵
然

道光戊子秋

海鹽朱方增敬題



陶文毅公奏疏總目

兩淮淮北士民公刊

卷首

御製祭文

御製入賢良祠祭文

御製碑文

恩准淮北建立專祠並祀名宦祠

諭旨

恩准崇祀海州儒學名宦祠

諭旨

南文毅公全集

總目

卷一

進呈文

卷二

奏疏
謝摺

卷三

奏疏
謝摺

卷四

奏疏
赴任 請 覲 回籍

卷五

奏疏
選政 吏治

卷六

奏疏 倉庫

卷七

奏疏 漕務

卷八

奏疏 海運

卷九

奏疏 災賑

卷十

奏疏 沙洲

卷十一

奏疏

鹽法

卷十二

奏疏

鹽法

卷十三

奏疏

鹽法

卷十四

奏疏

鹽法

卷十五

奏疏

鹽法

卷十六

奏疏

鹽法

卷十七

奏疏

鹽法

卷十八

奏疏

鹽法

卷十九

奏疏

祀典

旌表

卷二十

奏疏

科場

陶文毅公全集

總目

三

卷二十一

奏疏 修志 書院

卷二十二

奏疏 營制

卷二十三

奏疏 海防

卷二十四

奏疏 緝捕

卷二十五

奏疏 緝捕

卷二十六

奏疏 保甲

卷二十七

奏疏 河工

卷二十八

奏疏 水利

卷二十九

奏疏 工程

卷三十

奏疏 告病 遺摺

卷三十一

文集 經說

卷三十二

文集 史說

卷三十三

文集 記

卷三十四

文集 記

卷三十五

文集 序

卷三十六

文集序

卷三十七

文集序

卷三十八

文集序

卷三十九

文集序

卷四十

文集書

卷四十一

文集

書

卷四十二

文集

跋

書後

卷四十三

文集

辨

考

雜說

策問

卷四十四

文集

贊

銘

卷四十五

文集

神道碑

墓誌銘

卷四十六

文集

墓表

墓碣

傳

卷四十七

文集

行述

哀詞

卷四十八

文集

告文

卷四十九

文集

祭文

卷五十

文集

告示

卷五十一

文集 賦

卷五十二

文集 賦

卷五十三

詩集 五言古詩

卷五十四

詩集 五言古詩

卷五十五

詩集 七言古詩

卷五十六

詩集

七言古詩

卷五十七

詩集

五言律詩

卷五十八

詩集

五言律詩

五言長律附

卷五十九

詩集

七言律詩

卷六十

詩集

七言律詩

七言長律附

卷六十一

詩集

五言絕句

六言絕句附

卷六十二

詩集

七言絕句

卷六十三

詩集

七言絕句

卷六十四

詩集

賦得體詩

卷末

請淮北建立專祠並祇名宦祠摺子

行狀

墓誌銘

神道碑銘

右 陶文毅公全集六十四卷恭錄

思綸於簡端末附建祠原奏及行狀碑誌總六十六卷

凡八十餘萬言淮北士民公聚喬林任校字維

公深仁厚澤徧洽三江而淮北尤感再造旣祀海

州儒學復建專祠於板浦壯麗甲於江淮又從

公壻周君

詒模

求得遺集而彙聚之皆所以報也

謹案 公自訂奏疏七十六卷印心石屋文集三十五卷中闕第十六卷至第十九卷印心石屋詩鈔初集四卷二集三卷撫吳草四卷俱先槩行其未槩者縹緗盈尺傳寫滋譌

喬林

掃葉尋根博稽

羣籍彌歎文章雖 公之餘事亦如少陵昌黎無一字無來歷也其有原藁所漏而真蹟碑版確可據依者始爲寫定至奏疏原刻排日編年卷帙繁富茲謹分類編錄而 公之遠謨大猷更爲條貫分明易資考鏡較李鄴園郭華野諸公所槩奏議爲得體要矣昔韓魏公安陽集漏載早夏三詩見

吳師道禮部詩話司馬溫公傳家集漏載論西夏

事見劉元城語錄皆難辭編次之疏

喬林

校錄是

集期於賅備無遺惟壽序時文序及幕府代擬之
篇未著於錄固 公之意也後之君子若欲舉奇
觚賸墨而悉栞布之自有范文正公別集補編之
例在雕版既成敬記其緣起

道光庚子嘉平之望門下士海州許喬林謹識

陶文毅公全集卷首目錄

御製祭文

御製入賢良祠祭文

御製碑文

恩准淮北建立專祠並祀名宦祠

諭旨

恩准崇祀海州儒學名宦祠

諭旨

御製祭文

晉贈太子太保銜原任兩江總督陶澍祭文

保障重巖疆之寄軫念成勞苾苾流琬俎之輝導揚
寵命惟勤事而靖共匪懈斯飾終而恩卹維優聿考
彝章式陳馨薦爾晉贈太子太保銜原任兩江總督
陶澍端直宅心勇敢任事起家詞苑遷職言官程材
疊掌夫冰衡出使早持夫漕節遂由給諫出任監司
朕慎選賢能首隆簡擢陳時臬事祥刑昭明允之稱
樹作藩邦敷政著旬宣之績用是畀之節鉞委以封
疆開府皖江量移吳會飛輓試行於滄海酬勲而吉

羽增華通逃迅獲於郵亭嘉績而端闡晉秩洎乎連
圻作督總制宣猷統三省之師干整綱肅紀莞兩淮
之禺筴剔蠹釐奸有守有爲允副股肱之倚賴任勞
任怨倍殫心力之勤劬渥眷方殷沈痾忽遘勉俞休
沐許調攝以專心冀獲安痊効馳驅而有日遺章遽
告悼惻殊深銜贈巍階賞延後嗣桂祠特耐詔妥侑
於秩宗柳翼將移飭護持於疆吏嘉名爰錫蠲館斯
頒於戲陞東南財賦之邦永懷良弼備存沒哀榮之
禮宜沛溫綸靈而有知庶其歆格

道光十九年七月

日

御製入賢良祠祭文

晉贈太子太保銜原任兩江總督陶澍入賢良祠祭
文

臣子宣猷布化念篤忠貞國家崇德報功恩隆典禮
旂常紀績允垂竹簡之名鼎俎流芬式是桂祠之祀
爾晉贈太子太保銜原任兩江總督陶澍才儲幹濟
力矢精勤初依詞館以簪毫輶車奉使繼履諫垣而
執簡驄馬蜚聲巴蜀巡方不負輶軒之寄河汾陳臬
聿消獄訟之風皖江則岳牧開藩吳會則封圻移鎮
旋總師干之任懋膺節鉞之榮惟汝來旬來宣任勞

任恕凡謨猷之入告每利弊之必陳憶昔冰泮崇朝
矢精誠而上格爲念瀾安九載沛德意以旁流籌海
運之飛芻功歸督率祗淮離之積習人鮮侵牟吏畏
其明子嘉乃德昨以積勞成疾乞退陳情予休沐之
餘閒俾從容而調攝每咨詢之下逮冀毗倚之方長
何意沈痾竟乏岐黃之術忽披遺疏猶餘精白之忱
用捐吏議以寵嘉爰準朝常以賜卹眷成勞而特延
世賞錫峻秩而晉贈宮衛宜列賢良聿隆禋祀丕光
懿典勿替前勲於戲砥柱常存中外咸知其數厯雕
筵式啟春秋永報以馨香靈而有知尙其歆格

道光十九年七月

日

御製碑文

晉贈太子太保銜原任兩江總督陶澍碑文

朕惟宣力四方持節重封圻之寄尊賢九德銘旗崇
華袞之褒生有自來良弼悵歸乎星次沒勤所事成
勞懋紀乎功宗宜樹豐碑式揚偉績爾晉贈太子太
保銜原任兩江總督陶澍器資端亮學術淹通居蓬
觀而能文章厯蘭臺而宏建白始掄材於蜀國繼視
漕於淮壩著望羣僚足備馳驅之選受知

先帝遂邀

簡畀之恩迨朕寶祚寅承溫綸渥沛備荷諸艱之試頻加

不次之遷任以疆圉而遇事倍形勇敢寵之節鉞而
殫忱益矢公忠挽離網於積弊之餘獨排衆議奠河
流於既平之後務策萬全殊榮旣晉夫宮銜異數益
叨乎翠羽猶憶趨朝述職詢故里而親灑宸章復因
賜壽加恩祝耄齡而遠頒珍物方謂精神素裕甫周
甲之未衰豈期心力交殫竟積辛而致疾雖肩承暫
釋尙思勿藥之占而手詔頻頒虛望加餐之勉聞盡
臣之湑逝覩遺疏而愴懷軫悼有加優崇特異有功
德於民則祀爰禘祠以薦馨香惟賢哲之後必昌更
獎世而綿弓冶綜生平而定論謚文毅以易名於戲

績著旂常萬里重江淮之寄神歸箕翼千秋傷柱石
之摧聿垂永譽於螭趺用表崇封於馬鬣昭茲來許
播厥休聲

道光十九年七月

日

恩准淮北建立專祠並祀名宦祠

諭旨

道光十九年十一月二十三日內閣奉

上諭陳繼奏地方紳士請以原任總督入祀名宦並建專祠一摺陶澍前在兩江總督任內整頓鹺綱修復水利遺愛在民除入祀名宦循例具題外所有該紳士等懇請捐建專祠之處著准其擇地建立以順輿情而彰政績欽此

恩准崇祀海州儒學名宦祠

諭旨

道光二十年六月初三日內閣奉

上諭原任兩江總督陶澍前在任內整頓離網修復水利辦事認真不辭勞怨前已加恩入祀賢良祠茲據裕謙題請入祀名宦俯念勛勤允宜妥祀陶澍著准其入祀名宦祠毋庸再交部議欽此

陶文毅公全集卷一目錄

進呈文

皇上五旬萬壽恭紀

五經闡福論
謹序

聖駕再詣

盛京祇謁

祖陵禮成恭紀

擬上陵歌二十章
謹序

聖駕南苑大閱恭賦

謹序

聖駕巡幸五臺山恭賦

以行慶省方爲民祈福爲韻
謹序

東巡賦

以昭茲來許繩其祖武爲韻
乙丑散館

帝京賦

以春色滿皇州爲韻
壬申大考

印心石屋山水全圖說

印心石屋南崖圖說

印心石屋北崖圖說

嶽麓印心石屋圖說

金陵印心石屋圖說

滄浪亭印心石屋圖說

金山印心石屋圖說

焦山印心石屋圖說

進呈文

皇上五旬萬壽恭紀

五經闡福論
謹序

臣 謝稽首頓首言恭逢

皇上五旬萬壽慶辰薄海內外鳧藻闡歡

微臣

供職西

清親依

福寓飫景含和莫名高厚遠惟三極褻訓其書言經經
者恒久之至道不刊之鴻教

皇上精德立中淵心汲古

御論煒煌彌綸聖籍竊意以

聖人之論發聖人之經卽以聖人之經闡

聖人之福親切宜莫如茲昔漢臣王褒作四子講德論

謂欲推主上宏風俗而騁太平

臣生

堯舜之世視褒所稱何啻霄壤爰斟其式綴儒臣敷繹之辭爲五經闡福論一篇每條謹宗

御論而以五經之言福者緯之衍鑠鋪芬敬祝

聖天子億萬禩無疆之福文曰

歲紀祝犁月在橘陽

壽寓延洪

福林普汜迺有五經儒臣翔泳題期嘔嘔滃滃卽肄業所及敷茂矩而繪龐視於是業易者肅然曰蓋聞

聖人之紹登大寶位也嘗

御經筵而論易其於元亨之義曰諸福滙集於惠心之
義曰錫福靡有涯涘煌哉言福乎悉經六繇之碩
畫矣

臣試繹之

聖人握乾符闡坤珍巽令颺發兌澤湧流經文緯武則
離以燭而震以警焉選政調風則坎以勞而艮以
成焉用是條修葉貫醇美譽然享

帝尊

親爲既濟之禴祭受福簡賢登俊爲井之王明受福道懋
裁成爲泰之于食有福而猶際鬼神福謙之旨號

號不已虔輦搗勞日愼一日微天下之

至聖其孰能與於斯且夫飛龍在天黃裳元吉凡易之
爻五爲君德而衍蓍之數起於五十計過揲之策
九其四爲三十六則爻爲奇六其四爲二十四則
爻爲偶奇爻百九十有二策六千九百一十有二
偶爻百九十有二策四千六百有八二篇之策凡
萬有一千五百二十引伸觸類絜乎盛矣而皆哈
茅大衍與

聖壽五旬之生生延福以至申錫無疆者繩執而契司
也語竟業書者起曰是河圖之祕也猶有洛書焉

是演福疇載在尙書

臣

觀尙書之文渾渾爾灝灝

爾噩噩爾皆帝王輯福之大源是以

皇上於五十八篇皆系以詩實以心法治法先後同揆
如書言作福不敢動用非德則

皇上之執中建中也言允升大猷膺受多福則

皇上之釐工熙績也言澤潤生民永膺多福則

皇上之俟志從欲也然而丕釐

景命烏奕庥祥開闢之門罕從蠡測蓋讀

御製是彝是訓論而恍然曰懿鑠哉粵若稽古紹天闢

釋其孰有如我

皇上之默通錫福之原者乎夫福疇一曰壽而握其樞
者皇極由初一遞之中於五由次九溯之中於五
協五紀以順五行極之建以五父三德以推五福
極之行以五五建極而福以歛五保極而福以錫
允若茲作福惟辟所由仰

天子作民父母也若夫疇數四十有五主五用九由七
八九六參互成十循環不息暢流地符又與河圖
之五十居中隨在見十者表裏棊通惟

帝相協極賁平康曰五日十豈非臻

皇上之豐福者哉業禮者越席起日得其數矣未暢於

理也夫

聖人之福悠久無疆而索劍鐙艦惟五之云將由百齡
至萬歲由萬歲至億兆京垓其奚辭以述臣嘗讀
味餘書室隨筆之第四十一章言中庸位祿名壽之理
謂尊榮福厚非天有私而歸本於德爲福基休哉
券壽以理

聖人所以禔福中外者可知矣蓋先王有大福必有禮
以樂之禮者理也所以興福祥之本觀曲臺所記
曰祭則受福曰爲民祈福曰富也者福也曰福者
備也備者百順之名與

皇上泰元增筴壽以政年者類若畫一而周禮太宰詔王生以馭福都宗人致福於國行人國有福事則令慶賀之梓人爲侯辭曰諸侯百福則

皇上廓絃恢綱均禧九有之經也而尤莫燭於春官六祝祈福祥之文曰順祝我

皇上化光金鏡之福也曰年祝和調玉燭之福也曰吉祝春臺熙衆之福也曰化祝桑田沛澤之福也曰瑞祝絢雲灑露之福也曰筴祝炳符光緯之福也洋洋乎若德

帝者之上儀疇能亘之而辭曰六祝適與六寓臣民臚

歡祝釐者旨相印也儀禮有曰壽考維祺介爾景福承天之慶受福無疆願以敬祝

聖人焉業春秋者進曰媿哉論乎其道首首然萬世爲福者乎抑猶華離其辭也於實際靡微微臣學於

史氏親見

聖主一切實心實政踰繩越契請得展采錯事效魯史例書之夫承天撫錄纂聖膺圖傳所謂如天之福也則嘗綜

聖主寅承之實書

授

受禮成書

東巡恭謁

祖陵書每歲

親祀

郊

壇書每晨恭誦

實錄至於辛

祈戊

社占雨暘晴

聖德

神功卽景紀事蓋不勝書也夫統轄羣元薰風潛鬯傳所謂民和而神降之福也則嘗綜

聖主惠民之實書

賜民爵粟帛有差書普免直省地丁錢糧書賑貸災民書給貧民棉衣至於矜恤庶獄惟允惟明範俗甄風

旌褒節孝又不勝書也夫右規左準任杖稱材傳所謂國受其福蕃釐老壽爲信君使者也則嘗綜

聖主官人之實書

加恩晉贈師傅書

優禮老臣書

錄用賢良大臣子孫書

覃恩封贈臣僚祖父至於每日

召見廷臣引

見百爾纖善必錄酷墨必懲又不勝書也夫黼藻太平

色授六服傳所謂不僭不濫湯以之獲天福者也

則嘗綜

聖主懿文饒武之寶書

御經筵書

臨雍釋菜書

幸翰林院書

特開恩科廣鄉會試中額書增輯

皇清文穎書平苗匪書平教匪書平洋匪至於組仁織義

御集萬言射麇逐銳矢無虛發又不勝書也夫聲教諧

變雷風通響傳所謂同福祿來遠人也則嘗綜

聖主綏遠懷方之實書

頒敕廓爾喀書

敕封越南國王書

詔增琉球國曆度入時憲書至於高麗西藏蒙古外藩

萬樹園宴歲蒙

恩賚者又不勝書也蓋

聖人訓深稽古而尤精於春秋如

論能者養之以福則究極體信達順之微

論國之興也以福則深探天命民畀之本彼交匪敖福

將焉往載筆之臣所爲大書特書屢書不一書也

業詩者有睟其容作而曰德至矣福盛矣侯其禕

而臣無辭以益之雖然和於倪者天也鬯於節者

人也言之不足則長言之咏歎之手之舞之足之

蹈之如是者莫如歌詩伏讀

御製既醉備五福論辨析感應之幾而歸諸法

祖行仁以凝承

寶命固以詩言徵福符也臣觀三百五篇中言福之文五

十有二言壽之文三十有一而互文見義日報以

介福萬壽無疆者三焉誠以匪德福無由致匪壽

福無由徵也臣請被飾厥文廣爲新什敬祝

鴻釐拜手稽首颺言可乎則應曰諾於是爲之歌風曰

皇斟乃澤衢而酌之樽馨以醕和以醇醕乎哉兆人

皇振乃俗春而風之風日以煦膏以融豫乎哉九鴻

皇錫乃福壤而鼓之腹嵩以呼華以祝莘乎哉百祿爲

之歌雅曰穆穆

昊天煌煌日月於煜其福緝於有德我

皇之德抱一構巍我

皇之福躋五騰微微之頌矣光子

列祖民之熙矣式歌且舞式歌且舞

皇之世多祐謂天蓋高以莫不覆謂地蓋厚以莫不畜

慶有道長祝無疆

壽爲之歌頌曰於鑠

列聖累洽重熙不顯矣我

皇撫之不庥矣萬福觚之翼汝左右天工亮之釐汝士

女饒饒饒之哺之節之被之續之禮義維之詩書
餉之我

皇之福自

天貺之旭日暹矣集於龍
璣星焜矣貞于上宙敬之敬
之

天壽平格我

皇允惟德之懋歌既闕相與歡呀
嘒嘒日胎心醉惜惜
乎颺虞韶之音淪淪乎暢鈞天之韻
咸含和而吐
氣曰盛哉乎

聖人之福請書之以爲論

聖駕再詣

盛京祇謁

祖陵禮成恭紀

擬上陵歌二十章
謹序

臣聞聖人之孝莫大於繼述太廟之內敬矣雅頌所歌侯其禕而至若寢原重地靈魄是依史記載武王九月上祭於畢是卽謁陵之始而詩缺有閒漢嘗以正月上陵百官四姓諸大夫外國朝者侍子計吏咸會自後其禮遂顯明帝分樂爲四品一曰大予典郊廟上陵之樂章帝元和中宗廟食舉六曲加重來上陵二曲爲上陵食舉顧重來辭

不傳上陵曲侈語神怪無當於優見愾聞之旨識者陋焉洪惟我

朝

發祥朱果

謹按長白山有池曰布勒瑚哩相傳天女三人浴焉有鵲銜朱果置季女衣吞之生男是爲我朝發祥之始天女錫以姓曰愛新覺羅名曰布庫哩雍舜予以柳船蒿楫順流而下時有三姓爭長見而奇之遂奉爲滿洲國主

啟宇東方

國初居寧古塔之俄朵里城在長白山東麓地近吉林烏拉古肅慎氏之墟

列祖

列宗

肇造區夏

滿洲開基後傳數世至遷居赫圖阿拉國語寬甸也

肇祖原皇帝始與京稍

南距俄朶里城
一千五百餘里

二京遞建
興京 盛京皆
太祖所建

三陵在望
肇祖衣冠 永陵在 興京西北十里尊藏
興祖直皇帝居中 景

祖翼皇帝居左
太祖高皇帝福陵在 顯祖宣皇帝居右
盛京東二十里 太

宗文皇帝昭陵在 盛京西
北十里相距均在三百里間

世祖章皇帝定鼎燕京

恭申祭告

聖祖仁皇帝三舉鴻儀
康熙十年二十一年三十
七年凡三謁 祖陵

親製碑頌

留貽寶劍
仁皇帝親製
太宗聖德神功碑頌又留寶劍於實勝寺
太祖

世宗憲皇帝潛藩代祀於赫孔虔

康熙六十年秋
憲皇帝時在雍邸奉

命代祀

福陵

高宗純皇帝四詣

祖陵禮制大備

乾隆八年十九年四十二年
凡四詣盛京

訓諭周詳

乾隆戊戌九月
後世子孫不可

不躬親閱歷周覽風土自當惕

然勸念感

祖功並

天祐而仰
諭尚書房存記

煌煌乎禹謨周

誥之遺已

皇上握符闡珍道光

授

受唐虞以來未有斯盛而追溯

付畀之隆實自癸卯

侍

蹕東巡

面稽

列聖之日始

伏讀

高宗純皇帝歸政禮成詔曰自

上帝並於盛京恭謁

祖陵敬告

列

祖蓋乾隆四十八年我

嘉慶十年秋七月曾舉謁

陵大典至是十有三年矣霜露既濡

宸衷有惕緬維

創業維艱守成匪易安不忘危古之訓也戊寅七月甲子

六飛再泣

陪都肅將祀事行慶施惠

德音孔昭冬十月

駕還

京師

大禮告成普天同慶

微臣

給事黃門職專

綸綍軒轅倍切摹繪難名爰斟漢曲之遺用補周詩之

義爲上

陵歌二十章謹拜手稽首以獻

龍旂絺纒五雲開曉霽千山淨宿埃

連日多雨
啟鑾日始霽

一十三年秋露思重瞻

車駕上

陵來

清廟生民太史詩千秋

帝業繫敷思夕陽輶琤垂秋影猶是依京遡澗時

百年瞻就切堯民

輦路曾傳顙類辛

詔許披雲闕日角果然

天子本天人

庶跪仰

詔許沿途士

天顏

虎踞龍蟠此

舊邦蒼垠風俗總敦龐澄鮮太子河邊水仍照金根

豹尾雙

崎嶇

締造每思艱日月猶森虎豹關

三關一日雅爾哈漢語豹也二日代岷三日札哈

萬葉星榆栽

寶頂極天

啟運是高山

永陵山周十里產瑞榆一株圓蔭城匡

順治十年封其山曰

啟運帝親製神樹賦以紀之

純皇

玉柱擎天聳絳霄

福陵山周二十五里順治八年封其山曰天柱

山深木古萬靈朝鷄鳩聲裏安居樂猶記當年

拓藩遼

太祖自興京遷藩有鷄鳩羣集遼陽迺外藩歸順之兆

載瞻

隆業翠周遭

昭陵高六丈有奇順治八年封其山曰隆業鬱鬱

昭陵地位高終古

英謨存想像嘶風二白立拳毛

昭陵前鑄石馬二名大白一名小白乃

文皇帝御以破敵者

帝體

豐碩乘小白日行百里大白日五十里

香升

闕殿啟

隆恩

謁前

陵次日於隆恩殿行大饗禮

陵九拜

心殷洞屬存曉炬萬行煙五色烝嘗長此篤

文孫

儉勤渠獲稟

高

曾冠鎧重捫思不勝

長寧寺尊藏

太宗冠服實勝
太祖甲冑

宗所遺弓壯士弗能
開矢長四尺有餘

欲識

神謨垂裕遠霞綳炳處卽心燈

國初舊俗以糠和膏傳
蓬梗爲燭曰霞綳又曰葛

燈行宮設之
以示無忘儉樸

懷柔分

命辦香拈

謁

陵後遣官祭海暨渾河遼河太子
河長白山松花江之神

親祭北鎮

鑒巫閭山

澤被高深効職僉滄海爲杯山作豆呼三聲起屋簷添

河山帶礪重勲銘奔奏長懷沐櫛情膏雨

君王親酌墓

謁

英東揚古利之墓至額亦都墓大雨仍

陵後

親奠

國初功臣費

酌爵

親臨

故山喬木倍欣榮

閭闔晨開拜

冕旒

駕至盛京御崇政殿受朝賀

衣冠星謚五諸侯從

臣

顏色

瞻

天近繚繞熾煙上

綵旂

煙爲熾煙

國語呼爐

苾芬匏豕展親親

宴

盛京宗室於篤恭殿謂之散叙筵

飲食

君宗荷

聖仁怡敬

崇謨尊

玉牒

定例十年修纂

玉牒一次尊藏盛京崇謨閣本年適值告成恭送謹虔

歌詩

先爲譜振麟

燕衍

君王在鎬宮

賜王公大臣及京官宴於大政殿

盛蓼蕭喜咏福攸

同丹楓也醉

天家露葉舞階前一色紅

藥鞭負弩効前驅萬部名藩扈

屬車

蒙古四十九旗藩部輪班扈從

還有東風占海外魚龍拜舞迎

天書

朝鮮國王李珣遣使起居甚恭特頒宸翰併賜詩嘉賚

風上

風雨聲去雨日陽陽轉歉為豐

帝降康禾黍如雲仍

賜復

蹕路所經蠲免錢糧十分之五又以秋潦加恩卹

恩波何處不汪洋

分金給綺樂

恩寬

賜從臣額廣青衿赦放竿

奉天承德俱廣學額並諭軍流

及弁兵金帛以下減齊向十亭秋色外

等發落左右列亭十近北二亭

為諸王議政之所以下分列八旗心歌腹咏奉

宸歡

澄海樓高接翠微詩成禁體

睿毫揮

澄海樓在
山海關外

純皇帝嘗登以望
命從臣聯句倣宋人禁體凡字涉水

旁者不用此次
睿藻賡吟仍用是體
迎春柳色關門曉帶得陽和

一路歸

三巡四至

典欽承

家法由來重

繼繩爲溯

堯心增

舜慕迴

鑾重此詣

東陵

章皇帝孝陵 仁皇帝景陵 昌瑞山是
皇帝裕陵皆在直隸省遵化州之

為 東陵回 恭謁行禮

啟

蹕剛逢七月天

元旋

告至小春前

啟鑾前日祇告 奉 羔羊朋酒觥

稱

壽

十月初六日 萬壽慶期駐蹕玉田縣之興隆
寺行禮 賜名萬壽興隆寺併 賜寺前河名

陶文毅公全集

卷一

進呈文

七

榮輝河越
四日回京敬上關風第一篇

謹按嘉慶二十三年

聖駕東巡再舉謁

陵大典吾師時爲吏科掌印恭進此冊特邀

睿賞將全詩二十章

選入

南書房詩架圖以供

幾餘丙覽喜起拜颺之盛視唐人十聯詩在御屏風何

啻倍屣洵乎廬牟乾坤之手彪炳雲日之光已此

詩渥蒙

御選且於我

朝

肇基之迹尤詳高文典冊人思先覩爲快爰因肄業所及

注釋以公同好

受業鄭際昌

謹按王充有云鴻文在國盛世之驗也吾師依光
日月摘藻星雲茹古涵今韶英軼響此冊曾經

御覽

選登排架藝苑芬談尤足覘和聲之應云

受業奎照

聖駕南苑大閱恭賦

臣聞治天下有大柄武緯協於文經同六合爲一家仁育因而義正在昔風雲演陣龍蛇傳軒帝之經千羽宣威鳥獸舞虞階之化三十六扶胥之乘折衝而簡螳車二十一小雅之才鞠旅而賡魚服蒐聞石鼓西京則趨趨摘芬野有干城南國則爬縱矢咏况夫淬兵繕甲校技程能安不忘危整宜以暇周家之歌載纘是繼三單管氏之語能諧必先五教作旗振鐸講攻戰進取之方提鼓執鐃習疏數疾徐之節同袍同澤義主綏心如虎如貔功

聖駕南苑大閱恭賦 謹序

臣聞治天下有大柄武緯協於文經同六合爲一家仁育因而義正在昔風雲演陣龍蛇傳軒帝之經千羽宣威鳥獸舞虞階之化三十六扶胥之乘折衝而簡螳車二十一小雅之才鞠旅而賡魚服蒐聞石鼓西京則趨趨摘芬野有干城南國則爬縱矢咏况夫淬兵繕甲校技程能安不忘危整宜以暇周家之歌載纘是繼三單管氏之語能諧必先五教作旗振鐸講攻戰進取之方提鼓執鐃習疏數疾徐之節同袍同澤義主綏心如虎如貔功

瑞越前請封得旨頒給勅書版圖

天府編重譯之壤民

貴德咽隴麻里野番峩眉西南野夷先後率衆歸誠俱

入版圖以示懷柔至意

昕鼓橋門列三山之侍子

琉球諸國遣子入學

九功煜爚

七德昭宣出二十八宿以占星五方軌順統四十九旗

而就日萬樹園開

蒙古諸藩歲至熱河瞻觀賜宴萬樹園

延喜珍

鐫茗華玉刻烏弋驗風之使齊尉堠以瞻

天白狼向化之臣抃衣裳而綵地威讐無外極建於中

迺猶無逸

厘懷習勞秉則占行師於義易考教旅於周官豹尾垂

蕤既見於

心法

親承之日

嘉慶三年冬車駕閱兵

魚麗合隊更徵於

橋山

展謁之年

十年秋東陵至

巡謁盛京閱兵

方古北口之停車

龍旂肅簡

七年秋古北口大閱

迄五臺山之返旆

鳳輅平臨

十六年春臺懷歸至正定閱兵

巡幸

至於蒐舉湯山夾路

則花迎芝蓋獮行灤水入哨而草貼莎茵歲以爲

恒事立於豫蓋戎兵致詰關

聖主之經營而弧矢以威實我

朝之

家法溯自

帝謂詢仇之始甲甫十三

癸未太祖高皇帝起兵征尼堪外蘭有兵三百甲十三

副迨及

天庥右序之時旗分二四

太祖既削平諸國於原設黃白紅藍四旗外又增四旗

參其色鑲之行軍時地廣則分爲八路地狹則合爲一隊九國咸歸率服葉赫烏拉

九姓之國合師來侵祖一戰破滅之由是遠近懾服太萬年遂擴

洪基

萬於薩爾齊自此太祖以數千人破明兵二十帝業日隆素練生風吼龍

媒而蹴踏

所乘馬曰大白小白太宗文皇帝紅衣吐焰炸雷鼓

以碎訇

天聰五年造紅衣礮柳箭分行崇德六年

王貝勒大臣子弟習射壯者角弓
羽箭幼者木弓柳箭不可荒廢

教誨深於冠服

射舊制毋效漢人服飾

金卮拜

賜

登攻遵化城時小卒薩克哈圖先

褒寵逮夫螯弧

攻永平時副將阿山葉臣冒火登城

毋再令攻城以
示愛惜之意

勲紀八圖奮

天戈而颯爽

乾清宮尊藏
太宗戰圖八冊

功成一戰廓

帝業而焜煌

順治元年破闖賊於一片石其年九
世祖章皇帝入關定鼎 乾絡鏡

清泰紘砥定旌麾所指塗山無後至之邦風雨來

臨海內有其蘇之望然猶挽烏號以

示訓

順治十年

世祖幸南臺持弓顧謂諸臣曰我朝定天下以此弓今天下大定機務殷繁朕身雖不

暇常念

肅馬政以修戎

上駟院初名御馬監至

於沙漠風清

追至朔漠見明聖祖仁皇帝親征噶爾丹窮

沙漠之語顧謂從

臣曰眞永清矣

坤維日麗康熙六十一年

諭曰朕前親征噶爾丹滅之今策妄阿喇布坦潛往西藏劫掠又遣大兵擊敗之皆平日不忘

武備勤於訓練之所致若憚勞苦安能於萬里之外立功乎

御神槍以刺虎飛長箭以射麋

聖祖常以三眼神槍刺虎又力能挽強每用

十二把長箭圍中射鹿率貫腋洞胸

睿畧遠揚

青海於西域最遠世宗憲皇帝遣師平之

豐規世守雖宵衣旰食未暇

巡行

世宗諭有云予之不往避暑山莊及木蘭行國者蓋因日不暇給後世子孫當遵行習武木蘭毋忘家法也而賞春罰秋

特頒綸綍

游等

世宗有特諭提鎮副將參諭旨三道頒行天下若乃早承

聖眷

熊突起奔前聖祖嘗

命聖祖御虎鎗殪之事畢入武帳

曰伊命貴重

揭四知以燭幾

高宗御製四知堂記謂知微知彰知柔知剛其卦辭乃利建侯行師知幾知實

握用兵之要也默運

神樞備

十全而

紀烈全

高宗武功十地窮八柱甌金昭有截之休職
御製有記

効百靈磐石鞏無疆之慶

恩昭撻伐以萬方其底生成

章凜率由惟

聖主克勤纂紹偉茲

南苑近拱

北辰包五海以紆迴是稱海子

南苑又曰南海子中有五海

控二河

而縈帶遠刷河流

海子外有團鳳二河流至天津雙口與永定河合流渾水藉以

刷綠野平鋪紅門九達

苑有東西南北四紅門本朝增之爲九蓋元

明之舊固至

皇代而彌新鐵馬金戈景雄圖於

開國

太宗伐明國燕京分兵南下過南海子射銀黃羊鹿兔順治十三年十四年均於此舉行閱兵

花火樹仰同樂於

當時

康熙十二年十六年十九年三十四年四十年四十二年皆幸南苑閱兵又元宵於此陳放烟火

作有

世基

雍正七年幸南苑大閱車騎營兵繩宜

祖武

乾隆四年二十三年幸南苑大閱小試估閑之步入兔齊蹲乾隆二年

高宗御估閑旁環西域之人千旂其颭乾隆

二十三年大閱哈薩克布魯特塔什罕回人等皆許預觀蓋

祖

宗之大閱廿三次

我

朝舉行大閱

太宗三次

世祖二次

聖祖十二次

世宗二次

高宗四次

而在

南苑者十有一焉神皋沃衍宜屯細柳之營芳甸周
環詎數長楊之榭茲者草肥水暖金絡嘶風絮點
香霏玉鞭耀日

皇上爰以省春之吉謁

珠邱而載辰旂遂於返旆之期飭戎行而開甲帳八風嘹
響摩空颺赤羽之旌五緯分芒拂地舞黃龍之纛
激火珠而沸海掣金汁以排山九天九地之師十
盪十決之陣堂堂乎正正乎保大定功之

駿業安民和衆之

鴻猷也

微臣

測管難名簪毫是職臚情采韻敷事成篇

頌

景祚於京垓六軍晁藻和凱歌於鞭鐙三月鶯花謹拜
手稽首以獻

粵以元黔浚灘之歲候大梁而司太皞

皇帝乃肆良辰飭羽葆選中黃馭飛阜簡七萃以懋和
詰五兵而拓造

聖武霆靈

天威電掃徒御不驚旌旗載道門開

苑北祥雲占紫極之花天近城南旭日麗春田之草

邁大成於展也句咏車攻答戩穀以宜之詩成天

保夫其包海淀以源瀦擴仁虞而院大苑中有元時仁虞院

舊區團鳳以洗汪蠹瞭鷹而杳靄瞭鷹臺高六丈徑十九丈周徑

百二十七丈恭值臨煙樹遙拱乎關門析木

閱之典例於此處舉行

近環乎襟帶九十四泉之跂突漢湧神漿舊稱苑有七十

二泉實則團河之一百廿里之逶迤地當都會舊稱

泉已九十有四海子周一百六十里實止一百二十里溯始基於元代曾置泊苑在元時

訓武於

先朝每選徒而歌旌旆

皇猷布護因知震疊之在茲

蒙法

欽承羣仰規模之無外先是司天練吉以貞期按大閱之禮兵

部奏請舉行得

旨移欽天監

司馬陳兵而簡

諏闕武吉日乃

下所司戒備如式

乘前期二月入旗佐領各出兵卒爲大閱之衆入

練兵於張演武場

黃幄之琴麗啟紅門之峻嶒周廬列而蟬聯馳道開

而虹亘

前二日有司豫於

行宮供帳列

御

內入旗將校甲

軍令既申部分斯定若網在綱有

兵依式布列

策必應雙雙翼比音聲已禁千官六六營開意氣

直操全勝

屈日會食列陣建大纛為軍表左翼以次而東西上右翼以次而西東上最前

為火器營

御營外左右設鑾儀衛蒙古畫角

委散秩官禁約謹謹委傳宣官承傳軍令凡三十

六營卒一萬八千

疾車響素擊斗心雄軍容嚴整

七百七十餘人

雅奏冲融

軍陣既嚴司礮舉礮三鏡歌大樂作奏壯軍容之章

天子於是擐綠油之金鎧佩紫阿之珣弓厯九成之崇

阜從萬乘之元戎

兵部尚書奏成列乘騎出行宮入

皇帝御營旌

麾彗景組練捎空尾搖竿豹蹄躡花驄鳧履追陪

繞陣圖而自左

兵部尚書奏請帝佩刀出

閩兵御營屬鑾韃乘騎

王公大臣前引後扈

親軍舉黃龍大纛有執事王公隨豹尾班後

皇帝入自左翼出右翼

進呈文

周視隊伍畢還至

營釋橐韃

御幄殿

龍旂璀璨拱大纛以居

中馳驟欣瞻乎

帝則周旋宛象乎元功爾乃一聲虜築萬隊纓繁殷山

雷動沸海螺寒鳴地中之鼓角吼松外之風湍紅

旗一展火器齊謹飛冰花於暑路裂礮石於雲端

及金鳴而焰息猶光炸以星攢結陣孔堅一氣望

煙雲之合撼山弗動四維成風雨之安

兵部奏開

營前蒙古畫角先鳴海螺以次遞鳴司礮三舉礮

乃行陣擊鼓鳴螺昇鹿角前進領隊甲士麾紅旗

槍礮齊發如是者九及至第十進

大小礮連環槍齊發鳴金三乃止既而八門齊闢

八隊分陳中開鹿角旁貫魚鱗按次以前若東西

輪之行於中道聯行而進若左右角之繫於司民

大聲發而谷應盛氣作而山岫

繼開鹿角爲八門諸軍出鹿角外旣

成列八旗齊鳴螺譟而進左右翼兵鴈綴斜行陰威列並進鳴金止乃振旅還立於初成列之地

闔陽開不愆於五六七伐陸誓水懽用輯乎億萬

千春禮成有翼師練在和

天子乃至圓幄而釋甲冑

兵部奏禮成御營釋甲冑扈從諸臣咸

皇帝入

退解甲具吉服

命建纛而載干戈鬯

皇威而奏清樂迴

御輦而作饒歌

鬯

聖駕還行宮饒歌清樂作奏朋收皇威之章將士依次入城

進呈文

卷

畫隼鼓肅靈囂轂藏霹靂陣斂駕驚洞九門而豁
達銜萬馬以經過飲醴羣游

福海投醪允飫

恩波吉已占乎地水洗欲挽乎天河并鉞參旗如觀垂
芒之作作

堯勲

軒烈倍欽善將之多多馳大丙以威宣張箕舒翼蕩山
庚而履接戛玉鳴珂頌曰

聖主當陽道磨德襲施普乘龍律調諧鳳瑞啟瑤圖祥
呈銀甕茲白乘黃瞻風采貢玉潤金聲咸歸折衷

精益求精習勞縱送爰簡車徒程其飛輕萬卒鱗
游三軍翼控匪日勞民師以畜衆

澤洽蒿宮

心懷松棟敬祝

昇平長依

帡幪

聖駕巡幸五臺山恭賦

以行慶省方爲民祈福爲韻謹序

臣

聞帝德體天挈珠囊而理化聖人在上調玉燭以延禧泰皇六羽之驂禮光金輅伯萬雙龍之御會肅璿臺諧樂府而時邁登歌懷柔澤洽命太史而年祥順紀耕鑿心厯矧星雲告瑞之辰正雨露方濡之際馨香懋典上陵披漢氏之文俎豆流輝祭畢廣周家之慶以妥以侑惟

一人永念繼繩無怠無荒與萬姓同游熙皞瞻依伊邇鼓舞彌形欽惟

皇上抱一式圓函三立極直聰明而作后

濬哲性成敷愷樂以登春

慈祥施普

蘿圖允固

履綏昭奕奕之休

芝檢長凝

鼎祚茂昌昌之緯包靈囊於次五下際上蟠

位大寶以中參前張後極

淵衷合漠凝禋而同樂與民

至孝通神愼憲則聿修念

祖溯自隨

駕謁

陵之始

列聖久協於

面稽迨及

大廷

授璽之時

一德允孚於

心法三年

訓政

欽承瞻

屏辰之

書五夜

籌功守

典切羹牆之慕春原秋補無時非耕織爲勞盱食宵衣几

事以

祖

宗爲法比以臺懷勝境實稱山右名區遠衛

神京繚幽燕而若帶高臨塞漠控恒代而爲藩是文
殊師利之道場爲摩騰法蘭之初地拓祇林於金
界智炬長然闢覺路於珠庭慧燈無盡偕五百應

眞而宏法化合一萬菩提而發光明碧樹栖深水

晶豁宇青蓮相好金粟開園勾龍爽之畫圖勾龍爽蜀

人有清涼山圖舊推紫府阿育王之寶塔摩騰竺法蘭東漢時入中國見

清涼山中有阿育王所造寶塔因居之近拱丹霄昔當

世祖之年兩

命進香之使粵若

仁皇之歲三瞻

効駕之儀龍象承

恩林泉增潤列伊蒲而給供薰篤耨以凝煙聲是步虛百

日演梵王之唱

世祖在五臺建道場百日

光眞澈漢九霄

開菩薩之容

聖祖幸五臺五色雲見中有文殊像

範金熙難於

紺園礪石焜煌於法界逮

世宗之秉德有

雍邸之

天章安穩而度青城迤邐而登寶地我

高宗純皇帝三奉

安輿六勤

法駕

祝洪釐於

多壽頻占天上之光明敷愷澤於曼陀徧作人間之功德

禪林忍草

匾額入

宸咏以生春德水香林映

天題而煥采圖呈瑞雪

命董邦達圖五臺雪景

開函則樹樹皆花

義指毘雲啟鏡則心心是月熱名香而四色

供四色香

仙花襲優鉢之華揭福字而三方

御墨照那羅之窟

有那羅延窟

人依淨土

恩暉與慧日長輝數紀恒沙

德意共慈雲廣蔭

皇上以繩

先之

聖宏錫羨之

仁妙闢上乘會真如而納祿

運光下武遵

往烈以

巡原方曷臣請

幸之初正薄海祝

釐之日歡臚動植山呼應

萬歲之三

瑞紀平康

帝錫協九疇之五遂承

特旨

俯允

巡行版依用慰夫諸藩瞻就俾綏夫億衆

靡灋是迈凝承而匝宇歌仁

茂矩斯斟哀對而敷天有

命乃猶

念太平不資於粉飾古風宜屏夫繁華苔榭松廊

行殿謝歲蕤之采村簫棚笛沿途無點綴之文古刹

流輝

敕要工則

陶文毅公全集

卷一

進呈文

三

丹毫

親注

御筆點出五臺要工十處其餘之寺皆仍舊不加粉飾

名藩扈

蹕

厘遠勞則

諭旨先頒十行遠沛

龍章隔歲有蠲租之

詔四業永恬鳩戶盈衢聞後后之歌茲當春序方融韶

華倍麗杏花菖葉農事維勤鳥語蛙聲田功正茂

爰以

謁

陵之便聿舉

金根遂於

咨岳之餘

親臨玉府禮明樂備

湛恩允洽於

鴻龐愛著懋存

茂典彌光於

駿烈

昊天其子三靈叶而共慶

昇平

陶文毅公全集

卷一

進呈文

三

先祖是皇百祿道而式昭離肅川修岳効

醱化潛孚蠕動蠅飛

題期載鬯合綿區而飫

德宇游合雒之初統亘堦而臚誠壤擊康衢之上洪範
之文九五福衍萬策以祝

崇祺小雅之才廿一人賡九如而稱

戩穀微臣欣逢

聖世仰睹

宸旂木樹十年化雨荷

作人之盛花開三月春風當鼓物之辰

命太師以陳詩菁莪

澤渥效華封而進頌葵藿心傾謹鏤忱抒思仰繹

行慶

省方爲民

祈福之意摘韻成賦一篇拜手稽首以

獻

伊

聖人之

錫福仰寰海之鏡清四序調而極正五緯協而階平

聲教光於日出

號令捷於風行九垓悉暢百室咸盈

泰柄扶而運占當午

乾綱廓而物咏由庚四極四和闢闔妙寰中之應一游
一豫壺漿觀道左之迎監

成憲以無愆攸行率

祖祝

太平於有象所利惟氓繩

武

心殷不憚捫參而厯井

巡方

興懋依然課雨而量晴維時歲紀重光月占陽令禊修
已而春深景候寅而暑正青疇之翠浪初交紫陌
之香塵乍淨柔桑枝妥天邊之雨露尤多嫩柳烟
霏郭外之清明正盛綠波碧草春水新生翠樹蒼
松

橋山遠映望

寶城而瞻謁

世德作求

脊疊巘以登臨

大君有命蓋將

陶文毅公全集

卷一

進呈文

薦脍饗於

珠丘遂乃

幸神皋而展慶也爾乃肅中黃馳大丙策追風躡流影
翠葆垂蕤欽飛傳警

龍罕琴麗

鸞鑣修整紫燕回翔而陸離斑蚪蹴蹋而精同星廬
環拱以羅羅露冕旁隨而井井清風曉汎

蹕路烟凝好雨晨敷征途塵靜黃圖三輔春生

御輦之光綠罽千層翠射晴山之景玉河冰泮嘉魚含
沫以嬉遊聖水波開寶馬臨流而惹靚景

鴻軒於蕙坂地暢

宸懷映

華蓋於芝田歌聞春省

帝車臨處祥雲開寶刹之天

仙仗行來勝蹟豁金剛之嶺夫其山蟠震旦地號清涼鏤銀作嶸斲玉爲岡蓮浮佛座藥茁仙房炎天雪積煥谷冰藏磻迴磴復棧轉厓長矗蒼霄而上
徂俯紫塞以平望三色是香雲之路六時皆花雨之鄉奈苑宏開妙德栖禪之地竹林高啟竺蘭選佛之場拓祇樹之瑰觀金城肅穆湧闔浮之化宇

玉碣輝煌青髻雲中繞天龍於八部白毫光裏現

靈鷲於十方燦瓊瑤之紅樓慧炬永光初地啟疏

璃之淨域相輪長轉齋廊則有峯屹研伽名山山高

秦戲名山厓聳秘魔厓泉流品字泉石談二聖之奇

有二聖對談石冰結萬年之瑞萬年冰印明月而池空明

池燭紫霞而谷邃紫霞洞深則七佛洞垂輝濶古

則三珠泉表異螺城地名萃律以環青獅窟地名龍葱

而拱翠清冷功德功德之源燭灼莊嚴華嚴之地

栖賢谷口地名開法會於前三現聖臺邊地名表宗門

於不二香林寶月匾碧山之法殿巍峩定水心蓮

黑峪之靈根清閼玉池地名雲滿忉利匾額稱天金閣

山名煙霏羅喉寺名起寺景高山而歌

聖德大孚寺名之院額長懸宏覺路而演

皇視普樂菴名之菴名有爲

天子於是駐玉駟憩文駟凌業截俯嶙峋陟寶墜際神
齋挹射虎之川流

興懷

神武神武泉在射虎川之上履臥虹之梁石西巡橋
聖祖射虎於此得名聖祖

建時

緬想

前巡

寶墨高輝景

天懷於

靜寄

齋名
高廟御書

層巒遠峙攬

聖蹟於

恒春

堂名
高廟御書

地古而華林伊邇山空而斗室維新般

若

泉名
綴雁堂之

御匾華嚴

海名
耀龍海之

溫綸西來則慧照空圓

書懸月鏡

高廟御書月
鏡空圓匾額在西臺

東望則霞光晃漾

額表天闔

霞表天城
額在東臺圖南

標錦繡之峯仙花證果

四字額
在南臺拱北

揭衡杓之義禪窟應真

四字額
在北臺

惟中臺之內岌納五頂以

高跋入解源通漚龍參於性海三明路廣耀

鴻藻於花茵

俱
御製聯中語
高廟

誦自在

二字
匾額之

璇題

心原印佛

賡

引懷

堂
名之

瑤什事本勤民處處

憑臨悉仰

祖功而

宗德殷殷

咨度羣欽

舜哲而

堯仁斯時也峯巒貢秀邱壑呈暉祥氛密布瑞靄輕霏
華鯨於丹嶂歌珠鳥於翠微慧日光乎十地台星拱乎

六飛於焉闢四明之館啟八達之扉進河汾之章服

來雲代之儒衣茂三登以

錫愷

命九扈以

勅幾丹紱

頒而冠裳煜彩

紫泥賁而黼黻增輝吉士矢飄風之咏羣工吟湛露
之晞白叟黃童和氣共徵乎鼇抃青山綠水清光
遠映乎

龍旂莫不頌厥猶於翼翼而歌來假之祈祈

微臣

恭

逢

盛典快遂瞻依沐有腳之陽春心歌腹咏祝無疆之

景祚

文煥

功巍乃作頌曰

天作高山太行矗矗萬疊千尋趨於臺麓五頂中蟠山迴

嶺複厥號仙都是稱靈谷泉轉花霏峯圍錦簇瑞

氣所貞

泰陵是毓日月周環雲煙紛郁

祚我

大清

景命有俶敬惟我

皇誠祈典肅春祀秋嘗必芬薦馥松柏

親瞻

喬陵往復歆格所昭

神光燭煜

祀事孔明

推恩率育聿舉

時巡載勤

華轂以

省冀方以綏藩服

陶文毅公全集

卷一

進呈文

聖

蕃祉是延羣黎在鞠

治洽登三禮光

御六九有均禧百朋懋福北里登禾西疇足穀山無獮

飛林有仁圖並樂

生成同歸

幬覆茹醴含和飫心饜腹喤矣嵩呼龔乎華祝

帝德姚姚

聖風穆穆於萬斯年

受

天百祿

東巡賦

以昭茲來許繩其祖武爲韻
乙丑散館

蓋聞達孝之情首崇繼述邈隆之世兼采風謠是以雙龍賁夫夏姒五瑞輯夫虞姚畢邑修儀演姬宗之寶錄沛都整駕驟漢氏之金鑣監成憲以無愆禮交樂舉念舊典以時式武穆文昭斯盛事堪稽諸古帙而隆文尤重於我

朝懿夫

舊京之啟宇也天開靈域地闢神基岫巖熊岳堅其衛混同鴨綠導其支長白摩穹聳嵯峨而作鎮巨瀛環浸跨浩淼而爲池辨方則震取諸生雷出叶

長人之瑞正位則丑言乎紐樞臨昭應運之奇念
沐雨而櫛風

四聖之經營伊邇緬兌松而拔棫千年之

精爽在茲規模既富形勝特開鞏金湯而內固擴玉壘而

外恢維昔

聖祖撫基輶軒曾至亦越

高宗御宇旂旆頻來刻玉披圖證遺文於冊府鳴珂戛珮

修盛會於璿臺葢

本朝之家法所在實萬禩之洪度所該我

皇上心切觀光情殷續緒維

舊制之宜循遂隆儀之具舉際十年而考典恰符成數之
期當七月而啟行更應清光之序先期淨道金風
送雨而霏霏按候迎旌玉露垂條而涓涓執轡集
從容之彥技奏鄒枚簪毫簡侍從之材班推燕許
爾乃金根轟動玉軸雲承豹尾豔鬘其若舞龍媒
蹀躞以俱騰太乙揚旂而晻藹大丙扶馭而鞫輟
謹扈從則如衆星之環璇極遵指使則如四序之
仰玉繩當年少海承流曾侍

龍旂之遠蒞此際上台攜朗更欣

鸞輅之時乘於是厯凌河而前驟指寬甸以遙馳經

瀋陽之迢遞望肅慎之透遲

靈殿岩堯以山峙

橋陵葱鬱以雲垂優見非遙景

衣冠而起慕駿奔咸在撫

弓劍而興思塵旅廢宗物其有矣雞尊象勺禮亦宜之因
展義以薦歆允矣孫謀之貽厥本觀民以設教依
然

皇極之建其典禮是將綱維悉樹

一人慶有道之長萬國頌無疆之祐亘河山之百二盡
列輿圖周道路之二千咸親

鹵簿協時同律懷柔徧及於山川賜酺蠲租瞻就如
臨乎風雨篤本支於百世澤洽振麟齊步伐於三
驅威宣桓虎凡斯

聖德之宜人悉本

孝思之法

祖所以治極登三勲推成五閭闔盡樂夫豐盈遐邇俱歸
夫鎮撫迓景祺於上宙物咏由庚臻洪鬯於中天
日欣當午慰父老瞻依之念以豫以游宏

國家樂利之庥乃文乃武握金闡化長看尉候之來
同泐石紀功又何亭云之足數

帝京賦

以春色滿皇州爲韻
壬申大考

洪惟我

國家紹

天闡繹度地居民泰紘砥定乾幕禧均煜珠囊而照宇和
玉燭以調辰三能煥采九有登春同軌之休斯在
會極之路咸遵綱維

開國之初

肇丕基而有赫迨及

陪都是作

擴宏造以維新

睿命自東旣首出而綏四國宅

京於北爰體正而馭九垓懿夫

帝京之有制也地拱黃圖天臨紫極俯九州而稱上腴
納四海而歸內闕星占箕尾通津敷析木之華垣
應杓衡上道炳瑤樞之色左瀛渤之湧汪右太行
之巒嶠恒山涿水襟帶於其前鐵嶺居庸繚繞乎
其北語和會則陰霽陽開示周行則準平繩直蓋
從來宅中圖大必南面以聽夫羣民而

聖朝莫麗安邦遂高拱而朝夫萬國爾乃呀重郭之巍
巍豁九達之坦坦屹

殿閣之峩峩蔚

園林之款款

瀛臺峙以烟霏

太液波而水滿通衢四闕轂擊而蒼衣冠芳甸芻周
壤錯而縈組纂會車書於一統允宜六合爲家啟
閭闔於千門詎比五鄉爲鄴程恢監亥八方就日
以抒葵路識由庚萬里瞻風而候琯若乃春飈鼓
物春旭載陽煙浮鴨綠露綻鶯黃桃緋吐萼李縹
含芳泮

御河之春水藹

宸苑之春光處處樓臺萬戶儼瀛洲之景行行錦繡百
花傳天上之香聽曉曉於流鶯晴暉正麗咏陸離
於紫燕細雨微颺春色宏敷於大地春祺普汜於
我

皇於焉

御金輅載玉旂沛

愷澤懋

宸猷咏中田而藉舉候大采以祀修賚五鳩而厘春省
練七萃而校春蒐

恩覃宙合

澤洽神州康樂之書齊上醇鬯之氣同游仰精一之宅
心道光玉鏡契苞符而合撰業鞏金甌頌日翼翼
皇興視履所由

天眷有德

列聖貽謨我

皇受之鏡仰萬流陸讐水慄岳効川修甸昀歌禹原廕
懷周庠登俊乂畝服農疇工商旣萃冠蓋相攸東
西玉帛大小共球肖翹蠕動莫不咸休八紘綱紀
四極盧牟延洪錫羨億禩千秋

印心石屋山水全圖說

謹按資水發源都梁爲禹貢荊州九江之一凡過郡二州縣九東會湘水北會沅水入洞庭湖源流長一千八百里從寶慶府城外納邵水西逕新化縣轉神山東北入安化境以次收納山溪之水數十條水經注謂資水一名茱萸江迸流山峽臣所居資江濱之小淹正在山峽稍東三里許石壁對立兩岸如重門澄潭滌汰深十數丈有石出於潭心方正若印名曰印心石臣父曾結屋授書其上茲荷

御賜

寶書大小二幅

寵及林泉光生蓬華實臣下難逢之

異數謹繪全圖以識榮遇焉

印心石屋南崖圖說

謹按印心石之南崖卽恭摹

御書處也高七丈餘廣二十餘丈聳峭峻嶒如神鼉負
圖當江流洄折處舟行遙望邈若天際其趾有广
側磴一綫可脈以登稍東高巖插江岌然長城與
北崖對峙是爲南崖門凹處鑿路以度其山脊綿

延直上有石筍林立曰觀音巖谿壑幽深層巒迭起達於山頂曰陰功崙一支西出如大波軒起爲石峯頂秀出雲表其下有市曰小淹又南爲天馬山笏山各以形肖其西有神山遠影碧空一名辰山則資水所環繞而來也水至石潭月印澄澈疊巘嵌空邃擬圓嶠至是仰邀

天藻遂使山川發潛耀焉

印心石屋北崖圖說

謹按印心石之北崖有門二重厓巖峭竦控扼江干其門上一重卽臣幼從臣父結屋授書之所也

恭建

御碑亭以垂不朽下一重建石塔均在層崖之頂上平
下削壁立千尋迤而上兩崖復合爲一犖确森環
曰穿雲巖千子山在其後四時間瀑布聲山脈西
從香爐山來過陽石巖爲大屏崙樺香三台紅蘗
諸山皆在其下微臣先廬亦在焉東距北崖僅三
里許巖居圭竇荒烟在牖茲蒙

奎翰下頒當有榮光炳燭霄漢

嶽麓印心石屋圖說

謹按衡山七十二峯綿亘七百餘里訖平長沙湘

江之西則衡麓也宋朱子建嶽麓書院與張拭講學其中今江岸有朱張渡經自卑亭至書院有乾隆九年

御書道南正脈扁額右旁有唐李邕麓山寺碑循而登入清風峽崎嶇曲折松杉滿山寺在山坳有六朝松相傳晉陶侃手植其上爲白鶴泉泉之右爲飛來石其前爲大天馬山湘水經其東從嶽麓寺轉西而北至山頂曰雲麓峯最上爲赫曦臺有高明亭稍右有禹碑亭摩崖蝌蚪七十七字其下爲道鄉臺詠歸橋濯清泉道鄉臺之東爲屈子祠北趨東

下曰小天馬山道林寺在其北山之半有陶太尉
井亦侃所鑿又北至龍牙寺渡江而東經水陸洲
入長沙城臣嘗隨父讀書嶽麓茲於清風峽上敬
謹摩崖恭鐫

御書湖湘綴學之士仰瞻

魏煥咸謂與神禹岫嶺之碑永峙天南云

金陵印心石屋圖說

謹按金陵城西清涼山前突起山阜曰博山岡巒
秀特羣山環繞冶城案其前牛首山獻花巖峙其
南三山二水繚其西蔣山青龍山障其東石頭城

雞籠山雨花臺與青溪秦淮諸水前後盤互映帶
儼如圖畫茲構屋博山之陽勒石恭奉

宸翰

龍光煥奕遠望天印山卽方山在數十里外蒼翠欲浮
如卿雲之拱

日焉

滄浪亭印心石屋圖說

謹按滄浪亭在蘇州府學之東宋臣蘇舜欽所構
坊題滄浪勝跡積水彌數畝上有小山高下曲折
與水相縈帶前松後竹澄流碧幹光影會合於戶

牖之間前撫臣宋桨續修頃復重葺亭峙小山頂
虛敞而臨高城外靈巖天平支硎諸山蒼翠吐飲
若浮於檐際南禪寺在其西循北麓稍折而東有
軒曰自勝迤西十餘步有屋三楹前亘土岡後環
清漪曰觀魚處南廊敬鐫

列聖南巡時

御賜諸臣句聯今於杠南臨水建屋恭奉

御書印心石屋石刻俾三吳之士同遂瞻仰焉

金山印心石屋圖說

謹按金山在鎮江府揚子江心一名浮玉山山頂

日妙高峯有妙高臺最高爲江天一覽亭慈壽塔
東麓有朝陽洞操江樓飲虹跨壑曰玉帶橋宋蘇
軾留帶處迤南有大藍若爲六朝時建

聖祖仁皇帝南巡賜名江天寺並屢

賜御書墨寶

高宗純皇帝翠華南幸疊

賜天章宸翰敬謹摹勒寶藏寺中寺俯瞰大江有石屹立
江心中冷泉在其下山東有多寶塔盤陀石下有
嶽巖聳出波心曰善財石東望海門瀾漫無際螺
髻一點出沒烟靄中則焦山也玉帶橋稍西數武

懸崖傑竦有磴平曠北對瓜洲澄江如鏡今於其地建印心石屋恭勒

御書與

列聖寶翰焜燿江山豈不盛哉

焦山印心石屋圖說

謹按焦山在金山東十五里大江中俯控滄瀛謂之海門漢處士焦光隱此上有焦仙嶺西麓有三詔洞其下有釣魚臺山石餘脈東出爲松山寥山並峙波心焦山有寺在山之腹近臨江岸康熙三十八年

聖祖仁皇帝南巡賜名定慧寺並

賜法書墨寶寺右卽焦處士祠左爲水晶菴海門菴山頂

則雙峯閣其東有亭亭之北步磴而下爲別峯菴

高宗純皇帝屢

賜宸章寶翰勒石菴中定慧寺南對象山西望金山蒜山

北固甘露可挹而有也茲謹於寺東江岸建亭恭

勒

御書並候詩文壁間以識賡載之忱千載一時云

右印心石屋圖八幀

臣

陶澍敬謹摹繪每圖各繫

以說恭呈

御覽紀

恩遇也臣於乙未冬入

覲蒙

恩召對

聖誨周詳並及家世里居

御書齋額四字以

賜時嘉平四日也越五日復蒙

垂詢江岸石壁之勝重

賜壁窠大字

臣

泥首祇領摩崖於安化縣資江之濱

天文巍煥永峙崇崖其初次所奉

賜書亦

俯允臣請留爲世守刻石附圖用垂不朽而江南人士

聞臣疊邀

異數咸思仰覩

日星因亦擇地建亭重摹

寶書大字恭泐貞珉以遂其就瞻之惻昔唐田游巖得

御書題門宋范成大得御書石湖二字傳爲盛事

我

朝

列聖頒賞

御筆如魏象樞之寒松堂王士正之帶經堂高士奇之西

溪宋犖之西陂沈荃之家帖首載

御題落紙雲烟劉墉之清愛堂天香深處則刻諸筆管以

識

御賜亦古人銘勒鼎鐘之意也

微臣

渥荷

殊施兩叨

宸翰仰

奎章而知

訓矢介石以鏤心圖成謹函

寶墨於前而敬識其緣起於後我

聖主文思光被匪特臣里之榮且永以炳耀寰區昭示

無極臣曷勝感幸懽抃之至道光十六年丙申秋

臣陶澍恭紀